


紅爐點雪卷二

面部順逆險之圖


此以下各圖原本未備
先生命補入故亦頂格



紅爐點雪卷二

面部順逆險之圖

此以下各圖原本未備
先生命補入故亦頂格



面部順逆險歌訣

肝屬左臉肺在右脾應人中起年壽心居印堂方廣
角顴骨耳尻皆腎究看明部位審色因枯滯鮮紅悉
爲寇磊落淡紅潤似珠七日_逆安且透年壽人中
如先發腮顴一例俱靈佑_{口過}印堂發方廣熱毒屬
心應早救耳目顴骨出更紫應識無醫是死就此是
面中部位訣順逆險症悉在圖

第一當觀痘之圖

金之本象。若見紅紫不退。應
乎火來尅金。乃變賊邪也。



按此痘屬手少陽三焦

手少陽三焦少血多氣

形如蚕種、紫黑乾枯、發於太陰顴骨、初起得之時、行感于濕火、如朗朗成珠者、不妨、若見稠密連片、危為氣澁血滯、致毒妄參陽位、故顯于面部、發之一二日間、用葛根升麻湯、加紅花、當歸、川芎、至五六日、去葛根、升麻、加黃芪、白芷。

太陰蓄毒瘡初發

兩顴之上來密密

若然明淨不須憂

形如糝粟堪悲泣

葛根升麻湯、本錢氏然提氣太過、非大寒之後不可用。

改升麻不用。總要時令。春敗毒。夏涼膈。秋蘇參飲。冬葛
根升麻湯。熱退點齊。觀病用藥。不可呆。





第二監唇痘之圖

土之本象若見黑陷不起應乎
冰來侮土乃受賊邪相制也




按此痘屬足太陰脾經。足太陰脾經少血多氣。

脾受淫毒發于口角之間。但頂不完滿。黃頭就起。監于唇不能貫領諸痘。必用針挑去痂。光潔有神則治。若後成水泡瀉如荳汁。氣血相離。縱毒內攻。其難治也。必矣。治用保元湯加川芎芍藥扶陽抑陰。針挑之後。紅活精神。生意不息。脾胃全固。飲食如常。用白朮茯苓人參黃芪白芷當歸調和氣血。○此痘發來三四粒。還可治。若多則難治。防過十四朝。



第三珠痘之圖

痘無三百之數。氣血壯盛。受毒之淺。易發。易斂。再無變症。不須服藥。切宜避風。



按此痘屬手少陰心經。手少陰心經少血多氣。根窠圓暈。氣之充滿。血必歸附。色如夏日之荷花。膿回如蠟月之梅花。陰陽得位。氣血和平。宜服八珍湯。加黃芪。然不宜多服。○博愛云。吉不必治。治則反凶。真妙訣也。

八珍湯治如珠痘
醫家若見如此候

氣血無偏始有功
不藥而安莫費心

第四陷頂痘之圖

灰白四圍死在九日




按此痘屬足陽明胃經

足陽明胃經多血多氣

其痘得之風寒，腠理開而肺受邪，必頭疼發熱，着人肌肉，畱而不去，致使根窠圍而頂陷，血既難聚，氣亦不能領袖。治法宜先散表邪。白芷、防風、桔梗、氣血清利。然後用人參、黃芪、甘草、芍藥、扶陽抑陰，或可效耳。

第五反關痘之圖

出而復隱名曰反關



反關確論

初朝、痘出高大、但皮膚乾燥、睡臥不寧、煩燥氣粗、神志若失、或面色恍白、精神倦怠、自臥喜靜、厭惡人聲、氣怯不食、或面部、或身上、隱隱不起、睡多露睛、痰涎壅盛、至第二朝、前痘反隱于皮膚、諸惡症生、第三朝、諸痘皆沒、滿身淡白、如未出之狀、此真反關、必無治法、近在三朝、遠在五朝、其有一等、先明潤澤、發熱自汗、痘如前狀、可用刺毛窠、同升提之劑、以燒湮水煎藥、水楊鬚煎淨、水姜片擦面、或可再出、如胸前有食



前方加消導。若大分反關、紫疔、藍癰、不可治矣。

按此痘屬足太陽膀胱經

足太陽膀胱經多血少氣

氣陷血衰、其毒內伏、伏則不能發、一二日間雖見形、三四日伏隱于肌肉、五日着骨而犯靈臺、可畏可畏。此由初病之時、見裏實而下、使氣拂鬱、不能制毒而內剝、但陷之後、紅變而爲黑、咬牙寒戰、腹痛、肚上有小塊、大便閉、小便赤、不能飲食、名爲反關痘、五日必死、并無治法。又有一種受風寒症、邪入腠理、未必無驗、鼻流清涕、聲濁、身熱、頭疼、可用升麻湯加羌活、防

風切不可忽。

